

上海全浙公會大鑒頃奉來電具見關心烟害無任欽佩惟關於禁烟事項政府前頒修正禁烟條例暫歸財政部辦理容當轉陳以副雅意謹此電覆即希查照內政部印陷

外交部覆電

上海全浙公會鑒馬代電悉日本政府於我大軍再度北伐之時又有出兵山東之舉一再違約侵權實屬萬難容忍業於本月廿一日向該國政府提出嚴重抗議並要求將所擬派赴山東之軍隊一律停止出動在案特此奉復外交部敬印

白總指揮覆電

上海張市長譯轉全浙公會助鑒福密歌電敬悉日本帝國主義者悍然出兵橫暴無理今復縱兵行兇戕吾吏民遙瞻泰岱憤慨無既擬即返漢誓師渡河北伐以期迅速內氛合力禦外遠承電勗謹以奉聞白崇禧叩魚印

商業五團體覆函

逕啓者五月十三日大函奉悉尊議已交設計委員會採用至希南鍼時賜擴大力期各從個人下決心不惹此恥無一雪之日至爲禱企此致全浙公會上海各界反抗日軍暴行委員會啓五月十四日

外交部僑務局來函

逕啓者茲據僑日名古屋共濟會代表陳紹宗王菊卿兩君所稱在名古屋六七百名華僑大半因在彼經商失敗轉入各工廠做工自濟案發生日政府禁止華人作工至本月十日藉口華人不遵禁令將在工廠服務之華工百餘人拘捕施以慘無人道之待遇每夜日警領同各報記者臨場拍照載諸新聞任意譏笑其未被捕者除有數十人已被逐回國外尚有五六百人(大半係浙江籍)仍流落在彼留則無工可做一日三餐無以得到回則身無分文不能動身特派代表回國請求救濟等語并攜來共濟會證明書一紙查該代表等所稱各節確係實情第日人既不顧理與之交涉自難收效計惟有資助回國之一途但政府現在急求統一繼續北伐軍需孔急支付爲難且公文往返頗費時日殊緩不濟急用特函達貴會請賜接洽籌商善法或聯絡上海各團體共同捐集的款俾該僑民等得以回國既可免淪落異國復不至玷辱國體是所感禱此致全浙公會外交部僑務局局長鍾榮光十七年五月十九日

會董翁聖木來函

全浙公會董事諸公均鑒敬啓者查敵邑泰順毗連閩之壽甯福安